

## Gaudenz Hendry-Caduff, il davos pur da Cavorgia

Gie, daveras. Il davos pur per propi a Cavorgia. Auters ein secasai, alternativamein. Ed uss en quei mument in soli pur, in da sutensi. Gaudenz Hendry ei naschius ils 22 d'avrel 1917 a Cavorgia; el ei morts ils 27 da schaner 2006 ella casa sogn Vigeli a Sedrun.



Las uclivas giudvart en la Val Tujetsch sestezzan. Sco per semeglia dadens igl uaal, Selva e Tschamut - e nuotatonmeins Cavorgia. Ils logs van a mi per cor; Cavorgia ei il pli datier. Il pur da Segnas sgavegia buc da vegrir els plats da Cavorgia a far fein, essend ch'ils praus grass cun lur treifegl envidan.

Sa tgi ha buc enconuschiu il Gaudenz Hendry-Caduff da Cavorgia? In um svelt e da spir curtesia, in agricolan fatg si cun pugn che ha tarschinau bein sia prada, mirau tier dils clavaus vegls e dallas hettas siper ils mises.

Ses geniturs, il Vigeli e la Castgina, han tratg si ina famiglia da quendisch affons, dus fegls e tredisch feglias. Senza enzanua il sustegn dil maun public. Glieud sempla e cuntenta che ha stiuiv volver duas ga il da tschun.

Suenter quels onns obligatorics da en ina scola cumplessiva a Cavorgia ei il Gaudenz ius vi d'Ursera ad emprender tudestg. Tgi che vul far militer - sto capir las ordras. E Gaudenz Hendry ha giu caschun da far dabia survetsch militar sco per exempl duront la davosa uiara.

Neve la giuventetgna a Cavorgia ei buca stada in grond haliho, biaronz setener stediamein vid la lavur e stgava. Mo enaquella ch'ins ha saviu da nuot auter ein ins staus cuntents da pauchet.

Cun ventgasis onns ei Gaudenz Hendry semaridaus; la Sabina Caduff dil Crest enta Rueras ei stada agli ina dunna premurada e da bien cor. Els dus han entschiet cun ina vacca en nuegl ed empau deivets. Cun ver tschaffen ed esser stedis ei il fatg carschius entochen il di ch'il Gaudenz e la Sabina han giu ina partida genetschas e bunas vaccas da latg.

Lur famiglia ei carschida e vegrinda gronda; quater buobs e treis buobas ei casada. Ils

affons ein bein segidai cun bab e mumma, han denton tuttina empriu in mistregn; els ein i dalla val giudora. Sulettamein il fegl Wendelin ei turnaus. El ei segidaus pruamein cun ils geniturs, tut specialmein, cura ch'els ein vegni sils onns ed igl ei iu empau pli vess cul menaschi. Entochen il di ch'il Gaudenz e la Sabina han giu da retrer albiert en la casa sogn Vigeli a Sedrun.

Da trer aschia ensem ena veta da bunamein navonta onns dess ei da dir in entir tschuat. Sco per semeglia che sia dunna Sabina seigi ida a pèr cul Gaudenz; ella ei seduvrada en tut e dapertut ed ha giu bien quitau en cuschina. Ella sezza vegn a saver - cons buordis ch'ella ha giu da purtar da Sedrun a Cavorgia. Duront ch'il Gaudenz ha teniu mirau dil fatg sco forsa mo paucs. Da giuven ha el dau empau sil schumber per scatschar la liunguriala e silsuenter eis el onns ora segidaus ella cumi-nonza sco cusseglier da scola ed ugau dalla caplutta da sogn Leci.

Tut senza vuler sedivertir dapli - plitost dar ina discurrida davos meisa duront ina mareda cun ils ezs ch'els dus han giu envidau. Denter far fein e risdiv ei il Gaudenz Hendry daus nuota nuidis in toc dil Cuolm Cavorgia siaden, leu nua ch'el ha da ses onns giu fatg il signun. Cun zeivers e hontas izuns - turnaus da bunura a casa.

Denton - enzatgei ha il Gaudenz surtut priu a cor. Da ver bugen sia casa e siu liug e sia derivonza. E sepudend ha el giu grond quitau che tut ils ses hagien enzanua ella val in albiert, sinaquei che sia carezia ed attaschonza semantegni ell'entira famiglia. Enten il Gaudenz Hendry vai jeu piars in bien amitg. La pasch seigi cun el.

Vic Hendry